

李文襄公奏疏

李文襄公奏疏目錄

題稿卷之九 督師

操練戰船襲擊海寇

海洋擒賊獲船大捷

請會剿海寇酌留戰船

援閩回浙官兵循例陸續補伍

請敬調防浦城官兵回汛

請免故宦加徵銀米數目

偽將軍劉天福等大踪全旅歸誠

請免追扣賞給官兵銀兩

彙報招撫投誠總冊

彙報勦殺逆賊恢復城池

送事平議敘各案功績冊

請開復象山營都守各官

請補黃巖鎮額馬

請撤水師提標暫留兵丁

請復楓嶺營浙閩分轄舊制

賞給官兵銀兩委難追扣

李文襄公奏疏卷九

男 鍾麟編次

操練戰船襲擊海寇疏

總督浙江等處地方軍務兼理糧餉兵部尙書兼都察院右副都御史正一品臣李之芳謹密

題爲戰船亟資操練攻擊全藉隨機臣謹

題明不時掩擊以靖邊疆事竊惟浙東邊海外通島洋
通連閩界最稱衝險以故承平之日寧台溫三區額
設戰船分路灣泊維時僅係零星賊艘游移外洋尙
不致盤踞海島沿邊飄突今自變亂以來海逆日熾

聯踪結隊在在窺犯沿邊各汛將士環甲枕戈晝夜堵禦不遑啓處止因黃溫二區戰船盡已失陷存寧船隻又屆修期未得配駕官兵出奇襲擊茲者寧區戰船修葺已竣及時訓練相機撲剿自不容緩臣隨飭行定海鎮總兵官牟大寅整齊官兵配駕并令就近咨會巡查浙省海口戶部郎中臣布詹等驗明出關操演精熟遇有賊寇星速搜剿一面飛報以憑具題去後今據總兵官牟大寅報稱本鎮帶領舟師於康熙十八年十二月十一日出關見各縣有木城草房官兵當卽搜剿打死在魯賊兵所有現修未完賊船

併堆貯樹木版片米穀盡行焚燬至甯浦見有賊船
我官兵揚帆追趕砲矢齊發溺死賊衆三十餘人奪
船二隻擒賊三名得獲器械等項值此隆冬難以遠
涉今於十二月二十四日回閩見在熟練船兵遇警
馳剿等情到臣該臣看得浙省爲邊海重地向來額
設戰船分泊寧台溫三區以資防剿維時賊艘無多
沿海各汛頗藉寧謐至閩變以來今昔時勢大不相
同如康熙十四年二月內前任定海鎮臣朱萬化等
奉寧海將軍岡山貝子傅喇塔令諭出洋搜剿又康
熙十六年二月內原任水師提督臣常進功出洋搜

勦俱於旋師之日題報在案近據各鎮將塘報海賊
蟻聚各島耽耽窺伺時復連檣飄忽出沒無常且沿
邊廣闊隨處皆可登犯官兵奔馳堵剿我勞彼逸必
須舟師接剿追躡賊衆始知畏憚臣日接報文恨不
滅此朝食總因黃溫戰船盡遭失陷存寧船隻又屆
興修今工程報竣檣帆畢具自應出關操練速行搜
勦臣卽密飭定海鎮總兵官牟大寅整齊官兵配駕
船隻并令就近各會巡海部臣布詹等驗明出關去
後今據該鎮塘報操練情形并勦殺賊衆得獲船隻
焚燬賊巢及焚逆賊候修船隻木版等情前來此雖

掩其不備少示創懲惟是海洋大島逆寇甚衆盤踞
飄突莫測狡謀現在舟師聞警迅擊軍機呼吸難拘
時日目今春汛已和除臣密飭定海鎮一面將舟師
操練精熟一遇警息即便知會巡海部臣布詹等點
驗出洋俟有斬殺獲捷情形另行

題報外所有配船操練并不時襲擊機宜相應

題明臣謹會同撫臣李本晟署提督事溫州鎮總兵官

臣陳世凱合詞密

題伏乞

皇上睿鑒施行

康熙十九年二月初六日題奉

旨兵部知道

海洋擒賊獲船大捷疏

總督浙江等處地方軍務兼理糧餉兵部尙書兼都察院右副都御史正一品臣李之芳謹密

題爲飛報官兵擒賊獲船大捷事據定海鎮總兵官牟大寅呈報到臣該臣看得浙省海島逆寇聯踪飄突莫測狡謀經臣

題明目今春汛已和密飭定海鎮將舟師操練精熟一遇警息即便知會巡海部臣布詹等點驗出洋俟有斬殺獲捷情形另行

題報等因在案今據定海鎮總兵官牟大寅塘報遵臣

密飭并會同巡海部臣布詹等遣發遊擊衛聖疇安
疆等駕船出關前至孝順洋遇有大夥賊船官兵血
戰打沉賊船十四隻燒燬賊船五隻陣斬偽叅將童
耀等偽官一十九員賊兵二千餘名生擒偽官兵共
一百餘名陣獲大小賊船一十五隻并獲器械偽印
劄等項塘報前來臣惟海逆狂逞沿邊將士振甲枕
戈晝夜堵禦今戰船告竣仰仗

皇上天威出奇掩擊斬賊獲船大創逆氛官兵用命功勤
難泯除將在事有功人員并擒獲賊船跳船官兵職
名暨傷亡官兵現在確查容另造冊送部疏內不行

備載至於陣損船隻楨具并得獲賊船名色統俟查明彙報外所有剿殺海賊獲捷情形臣謹密疏

題報伏乞

皇上睿鑒施行

康熙十九年三月十一日題奉

旨據奏遣發官兵擊敗海賊擒斬甚多得獲賊船器械可嘉着議奏該部知道

請會勦海寇酌留戰船疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲閩省逆氛已潰浙洋餘孽尚繁亟請乘時會勦并議酌留戰船永奠海疆事竊照浙省邊海重地前此承平之時原有額設戰船一百六十隻隨鯨哨船一百二十隻分泊寧台溫三區勢相犄角以備搜勦會哨之川不意康熙十三年間黃巖溫州變亂二汛船隻盡皆失陷僅存定關孤艇爲數無多其台溫遠難復額情由經臣於黃鎮現在缺員等事疏內

題明侯錢糧稍充再行酌議等因在案迄今逆賊沿邊
窺伺知我溫台無船懸踪飄忽出沒無常臣嚴飭各
鎮將士操甲枕戈晝夜堵禦者已數載於茲矣雖一
於康熙十四年二月間經前任定海鎮臣朱萬化等
搜勦於沈家門等處再於康熙十六年二月內經原
任水師提督臣常進功等搜勦於螺頭門等處終以
賊衆船多不能制其死命頃者定鎮船工告竣臣於
康熙十九年二月間密飭官兵出奇掩擊遂得於孝
順洋斬獲奏捷以示大創但今寧屬之舟山紅峙山
南川等處台屬之玉環橫山等處溫屬之鳳凰山雞

龍山大洋山茅簷山等處島嶼甚多賊徒恃爲窟穴勾聯盤踞若不亟圖翦滅誠恐日益蔓延沿海要區終難寧謐臣蚤夜籌惟恨不滅此朝食前經臣咨會福建督臣姚啓聖等遣發舟師會合浙省官兵於康熙十八年五月間南鎮雙頭洞等處殺賊獲捷此時福建水陸之師專力漳泉因調到船隻無多未及大舉今福建海澄廈門金門等處俱經全定官兵戰船應有盈餘兼以浙洋餘孽聞風膽落之時乘此合勢會勦更與向日情形有間且浙閩連洋勢同唇齒福寧海道緊接溫州前此猶以配駕無兵中間險阻爲

慮茲幸閩省賊氛帖息乘風破浪瞬息可通會勦之舉時不宜失伏乞

皇上勅部議調福建水師官兵分駕戰船一百號由閩洋直趨溫台浙省水師由定關會師夾擊將一切島窟迅掃無遺庶一勞永逸臣更有請者浙省台溫二區戰船前於失陷之時被曾養性駕赴閩海臣於康熙十五年十月內曾經具啓大將軍康親王內開曾養性既經受撫所有前此浙省溫台二區失陷戰船亟請查出歸還原標等因在案時因閩省用船未及還浙今全閩業已大定各項新舊戰船頗多浙省缺額

未補仰祈

皇上俯鑒浙省製造煩難准於會勘事竣之日卽以前項
閩來戰船分泊溫台配兵守汛其閩來官兵徑由陸
地回汛事屬妥便總以

朝廷之戰船捍衛沿海之疆圉在閩可免將來修脣之煩
在浙可無目前成造之費於是寬物力而省錢糧一
舉而數善備矣臣從

國計封疆起見謹會同撫臣李本晟署浙江提督事溫
州鎮總兵官陳世凱合詞密

題伏乞

李文襄公奏疏卷九

睿鑒

勅下該部速賜議覆施行

康熙十九年四月二十日題奉

旨兵部議奏

援閩回浙官兵循例陸續補伍疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲題明事康熙十九年四月十二日准兵部密咨爲
閩省海逆廓清等事內開該議政王等會覆福督姚
啓聖題前事等因康熙十九年三月十二日題本月
二十九日奉

旨議政王貝勒大臣會議具奏欽此密封到部該臣等會
議得福建總督姚啓聖疏稱浙省原調官兵自當盡
數撤回早去一日早省一日錢糧今援閩官兵相應

照援浙官兵例一面具題請撤一面移咨起程等因
查該督既稱已將海賊剿殺恢復海澄廈門等島閩
省俱已底定應將自浙調來提督石調聲之兵撤回
浙江節省錢糧等因具題應如所題行令提督石調
聲率領官兵回赴浙江將頂募兵丁照數裁去聽該
督提等查汰通省各營老弱補入節省錢糧可也等
因康熙十九年四月初二日題本月初四日奉

旨依議欽此移咨到臣准此又案爲請撤援剿官兵以期
節省錢糧以免士卒遠戍事准兵部密咨內開職方
清吏司案呈奉本部送密封內該本部覆江西巡撫

安世鼎題前事等因康熙十八年十一月二十日題
本月二十三日奉

旨這官兵隨征効力應撤回江南額外支給糧餉遇各營
缺少兵丁即將此兵填補以後有此等撤回効力官兵
亦應照此行着再定例具奏欽此密封到部該臣等再
議得江西巡撫安世鼎疏稱龍泉泰和等縣俱經新
添官兵安徽遊擊周時隆官兵一千五百名應撤回調
還江南等語臣部議覆奉

旨欽此應俟周時隆等發回江南之時將官兵額外存留
准食俸餉官員俟本省有應補缺出臣部即行推補

其兵丁亦行文該撫鎮查汰通省老弱并缺額陸續頂補仍將補過數日日期造冊咨送戶部查核千總把總等聽該撫鎮等俟有缺出卽行頂補嗣後撤回効力官兵如有似此裁缺者俱照此例等因康熙十八年十二月初五日題本月初六日奉

旨依議欽此移咨到臣遵奉在案今該臣看得浙省邊海重地先於請

旨事一疏部議浙省近海關係最要兵額宜增令招募兵丁五千名按要緊地方分附各營約束俟調赴閩省官兵回浙之日將此項再議裁減等因今准提督臣

石調聲咨稱所統旋浙官兵止係原帶提標并溫台標營及現在援勦漳泉督撫杭嘉湖各標營官兵其調防福建益亭并光澤浦城等處浙屬官兵福督臣未經議及帶回等因現在另疏請撤外目今援勦漳泉官兵將次抵浙旋師之後自當遵照部文將前項募兵裁去查汰通省各營老弱遇缺補入但浙省軍興以來各營之兵或調援征勦或防禦險隘不啻幾經挑選幾經訓練矣現在行伍者實多衝鋒用命之人卽間有患病開除事故逃汰者俱係隨缺隨補並無空懸今令將新兵補入雖嚴行查汰勢必陸續需

時斷不能以回浙之日盡數補額若將頂募兵丁裁去住支糧餉此項兵丁之內有將援勦鎮各營舊兵歸入充數者有精選強壯之人業經操練成旅者現按緊要地方分撥防守若不安頓得所違議住支則此數千充伍之人一旦斷其口糧勒歸田里不無好勇疾貧之憂散於四方恐相結爲患臣爲地方起見又不得不鯁鯁過慮也除臣一面嚴行查汰循照裁去援勦鎮標兵丁之例陸續補伍務期安插得所以副節省錢糧之至意再照臣標前後二營官兵案於亟請安輯來歸官兵事疏內

題明部覆既稱見在會勦江西及入閩未回其增設前
後二營官兵應俟該督標下各營官兵回來之日再
行議裁等因在案今既旋師是臣標前後二營官兵
相應裁減惟是戮力疆場遠戍隔省勞苦倍常案查
援勦江西官兵上厰

宸衷允其額外支餉遇缺填補奉有以後有此等撤回効
力官兵亦應照此行之

旨欽遵在案行間士卒無不歡呼雷動茲臣標前後二營
援閩官兵除叅將趙得壽守備王和等已陞補閩省
員缺外其守備任選等應遵

題允近例額外存留准食俸餉俟本省有應補缺出卽行補用陸續頂募者也其叅將鮑輔仁守備龔堂等係先經會勦江西叅將劉國翰等係先經防禦仙霞及現在軍前事同一體應否照隨征効力之例相應一併

題明聽部議奪臣謹會同撫臣李本晟署提督事溫州鎮總兵官臣陳世凱合詞密

題伏乞

皇上睿鑒

勅部議覆施行

康熙十九年五月初三日題奉

旨兵部議奏

請撤調防浦城官兵回汛疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲請撤原調援浙官兵節省糧餉事竊照康熙十三年間准兵部咨移調發京口隨旗綠旗官兵及兩路鎮標綠旗兵丁三千名并江南提標綠旗兵丁二千名令原副都統補福建提督臣段應舉統領來浙與總理糧餉侍郎臣達都等會商酌量策應所遺兵缺令募補足事平凱旋之日將補額兵丁仍額外畱營等因奉

旨欽遵在案自康熙十五年八月間大兵進閩准總理糧餉侍郎臣達都咨稱浙省官兵多隨大兵進剿溫台等處海疆多事需兵防剿將京松各營官兵仍應存浙等因其京口右營遊擊張宏弼官兵隨同寧海將軍固山貝子傅喇塔入閩卽令駐防福建益亭等處臣以京松各營官兵調援日久浙寇平定卽應撤回原營旣以恤兵兼圖省餉案經啓請大將軍康親王承准諭開京口營遊擊張宏弼官兵一千員名現留防浦城等處要汛未便撤調其餘在浙京松各營官兵應行調回等因隨經臣

題明除京松各營官兵盡行撤回止將遊擊張弘弼所
領官兵暫留浦城遵奉在案今該臣看得京口右營
遊擊張宏弼官兵原係奉

旨同江南京松各營援剿浙省者也嗣因該營隨軍入閩
留駐浦城又浙省閩寇初平臣以節省行糧起見將
調援官兵具

題撤回原營時緣浦城界接三省餘孽未靖承准康親
王諭令將該營留汛貼防以資策應今福建廈門等
處海賊蕩平已經全定浙省援兵俱已撤回則京口
右營官兵奔馳征剿戍守有年自應亟請撤回以省

行坐兼支之費當經啓請康親王承准諭覆海島俱
已平復地方寧靖張宏弼援剿官兵應准撤回聽該
督具

題等因前來相應

題請將京口營遊擊張宏弼官兵一體調回江南庶援
師早歸本汛而行糧亦可節省矣臣謹密

題伏乞

睿鑒

勅部議覆施行

康熙十九年五月初三日題奉

旨兵部議奏

請免故宦加徵銀米數目疏

總督浙江等處地方軍務兼理糧餉兵部尙書兼都察院右副都御史正一品臣李之芳謹

題爲軍需方虞匱乏臣竝其當急公請

勅造議通行勸諭宦圖地稅之法下不致擾民間上可仰

裕

國用事據浙江布政司布政使李士楨呈詳到臣該臣看得浙省杭嘉等府屬原報宦產內有官員亡故子孫並非舉監仕宦者其加徵銀米案經前任撫臣陳秉直具

題請豁部議康熙十五年十六年宦戶加徵銀二萬三千餘兩米一萬六千餘石已經該撫照數徵收今十七年何一年卽亡故官員六百九十餘員其中恐地方官捏報行臣嚴查官員亡故年月具

題遵卽備行布政司嚴查去後茲據該司詳覆康熙五十六年宦戶加徵銀米較多者蓋因內有官宦已故而產戶尙列故宦之名者作何分別徵輸案經前任撫臣咨請部示部覆生員民地無容加徵此外不論文武照會議不比百姓各項地畝槩行加徵等因是以浙省遵照部行彼時止除生員民地外凡係歷

年故宦田地亦俱盡數查報開徵此從前遵照部行故有如許加徵之銀米也嗣後每據各屬紛紛籲詳咸稱亡故宦戶不能加徵復經前任撫臣咨部准部咨行官員真正亡故子孫非係舉監仕宦者作速造冊具題再議等因是以前任撫臣將原報徵糧內歷年真正故宦子孫非係舉監仕宦等戶一併彙冊

題豁是原係歷年所故之官非十七年亡故官員有六百九十餘員之多也今嚴查各宦亡故年月其在康熙十五十六年并未奉文之先亡故官宦計五百一員在康熙十七年亡故官宦八十四員共五百八十

五員名至部查六百九十餘員者蓋緣一縣之中產坐各里又有一人之名產坐各縣以致各里各縣戶名重列若按戶計算則有六百九十餘戶而按名合算實止亡故官宦五百八十五員也凡此委皆真正故宦子孫竝非仕籍實難加徵應請除豁以甦民困既據該司查明詳送各屬造報各宦亡故年月細冊前來臣復嚴加查核無異除冊送部外臣謹具

題伏乞

勅部議覆施行

康熙十九年六月初八日題奉

旨該部知道

李文慶公奏疏卷九

故官加級

十九

偽將軍劉天福等大鯨全旅歸誠疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲恭報偽將軍大鯨全旅歸誠仰祈

睿鑒事據溫州鎮總兵官陳世凱溫處道張有傑申報到臣該臣看得浙省海洋沿邊二千里惟溫屬與閩接界海島賊寇呼吸相通盤踞作逆實繁有徒內如偽定北將軍劉天福偽左都督劉祖漢黃炎等各統大鯨飄突窺伺使我將士枕戈擐甲東奔西馳疲於堵禦者業經數載此誠諸逆之渠魁疆圉之大害也臣

百方籌畫冀弭邊患除密令定海鎮標舟師不時搜
剿又經

題請浙閩會兵合剿在案臣復頒發告示宣布

皇仁曉以禍福鼓以功名分行鎮道設法招徠去後今據
溫州鎮總兵官陳世凱溫處道張有傑報稱奉令差
員往返招撫今於康熙十九年五月十六日招到偽
定北將軍劉天福率領偽左都督劉祖漢黃炎并偽
都督副將叅將遊擊都司守備千總及偽監軍按察
司同知通判等官共一百八十員偽兵二千餘名駕
船進關投誠一面安插溫州隨將劉天福等衆伴赴

臣軍前繳有偽定北將軍銀印一顆偽銅關防三十
七顆偽令諭劄付一百八十五張經臣逐一犒賞袍
帽銀牌豬酒口糧路費等項開剿安插訖溫州鎮總
兵官陳世凱等協同文武各官捐資招撫隨征官軍
進廉等冒險宣勞功俱難泯惟是劉天福等擁鄭逆
名號久踞浙洋實係各島之領袖今既大鯨向化其
餘醜類不難勦撫仰祈

皇上嘉與向化

勅部將劉天福等并招撫人員從優議敘庶餘孽聞風革
面而各員咸知鼓勵矣其駕到投誠船隻據稱尙有

後船未到除現行確查外應俟到齊查明是否堪用
另行彙報事關招撫海寇渠首大夥投誠除將招撫
在事人員開明履歷并投誠偽官兵花名繳到偽劄
付數目造冊送部外臣謹密

題伏乞

勅部議覆施行

康熙十九年六月二十一日題奉

旨據奏招撫偽將軍劉天福等率衆投誠可嘉着議奏該
部知道

請免追扣賞給官兵銀兩疏

總督浙江等處地方軍務兼理糧餉兵部尙書兼都察院右副都御史正一品臣李之芳謹密

題爲題明賞給官兵銀兩仰祈

天恩特賜開銷以鼓兵心事據浙江布政司布政使李士楨詳稱奉臣案驗康熙十四年八月十六日准戶部密咨內開浙江清吏司案呈奉本部送奉

御前發下紅本該本部密覆浙江總督李之芳題前事等因康熙十四年六月初八日題奉

旨該部議奏欽此欽遵於七月初四日密封到部該臣等

查得先經浙江總督李之芳密疏稱臣於解發閩餉十五萬兩內畱銀六萬兩於衢州備兵餉支用內有製造軍器者應於軍器案內銷算外有預給通省滿漢官兵一月俸餉者另疏會題又賞恤官兵仰荷

天恩許臣造冊報部核銷等因臣部議覆支給官兵俸餉銀兩竝未開明細數無憑查核行文該督作速開造細冊具題到日再議又製造軍器賞給官兵銀兩無擅動之例請

勅該督照數補還以濟軍需等因具題奉

旨這製造軍器賞給官兵銀兩着俟造送細冊到日一併

再議具奏欽遵行文去後今據浙督李之芳密疏稱上年逆警初聞人心搖動實有叵測之勢臣與已故將軍圖喇原任撫臣田逢吉夙夜籌畫有可以固結軍心裨益封疆者行之惟恐後時公議通省滿漢綠旗官兵俱預給俸餉一月諭以勉力立功卽作賞賚不於月餉扣除嗣後部議不准動支既不敢請銷又無從抵補若不題請開銷必須扣除月餉但當此用兵之際如將已給之賞復行扣除所損於公帑者小而所係於兵心者大仰懇

天恩俯念倉猝震動之時賴此鎮定人心實爲封疆起見

權宜急著非常格可拘特宏曠典准予開銷等因會同巡撫陳秉直具題前來除製造軍器等項銀兩應俟該督造送細冊具題到日再議外查犒賞官兵銀兩先經浙撫田逢吉請動支正項錢糧具題臣部會同兵工二部議覆將士立功理應犒賞無功之人不便濫賞如有立功之人彼時犒賞具題在案今該督何得不論有功無功將通省官兵俸餉預給一月相應請

勅該督撫將此項賞給銀六萬二千三百二十三兩六錢零於康熙十四年支給月餉內陸續半年之內照數

扣抵再查該督前題疏內稱畱衛銀六萬兩預給通
省滿漢官兵一月俸餉并製造軍器賞恤官兵等項
支用今總督李之芳疏稱預給通省官兵一月俸餉
一項共銀六萬二千三百二十三兩六錢零比前畱
用銀兩數多此銀六萬兩既俱支給俸餉其製造軍
器等項用過何項銀兩該督並未聲明應行令該督
查明造冊具題之日再議等因康熙十四年七月十
六日題本月十八日奉

旨依議欽此欽遵密封到部移咨到本部院准此爲照賞
給通省滿漢官兵一月俸餉計銀六萬二千三百二

十三兩六錢零係本部院與前任圖將軍前任田撫院會議公同頒給至於解發閩餉十五萬兩內留銀六萬兩於衢州軍前備用先經爲軍中有刻不可少之需等事一案特疏

題明奉

旨着俟造送細冊到日一併再議具奏今本部院已行該司核造細冊另疏題覆原係兩案與此案不作今准部咨將先經具

題爲軍中有刻不可少之需等事一案所用銀數卽作爲此案銀數因查前後題報數目不符并令於月餉

內照數扣抵移咨前來合行知照仰司卽將賞給滿漢官兵一月俸餉銀六萬二千三百二十三兩六錢零於月餉內作速照數扣抵明白具文詳報以憑

題覆等因奉此遵卽轉移各標鎮協營查照扣抵去後今准標鎮協營各移到司該本司看得康熙十三年三月間閩省突變浙壤震驚斯時人心風鶴皆無固志惟賴官兵進戰退守蒙本部院與前任圖將軍前任田撫院籌畫加賞各營官兵一月俸餉收拾人心修整器械以備戰守之用乃自加賞之後果皆懽聲雷動感激効命如金衢台州等處賊寇臨城得將士

奮勇堵禦固志堅守幸獲保全而仙居太平黃巖等縣以及溫處一帶地方相繼恢復從此軍心丕振敵人喪膽仙霞關省一鼓平復固

朝廷歷年參養士卒之

洪恩人心忠義奮發然亦加賞鼓勵之成效也今奉部行此項賞給銀兩於支給月餉內扣除內有領賞之後相繼失陷如黃溫平陽等鎮以及溫處黃巖城守樂清瑞安太平大荆寧村磐石等營無從查追外其餘現在各標營本司謹念錢糧匱絀遵經通移追扣去後茲據移覆復蒙撫院批詳到司皆言不能追扣之

故備稱浙省自閩疆變叛以來各營將士征調無休
枕戈沙場寄命鋒鏑恢復疆土平定浙閩功實不小
再各營官兵或勇往殺賊殞命於疆場者或經年對
壘寒暑交侵相繼病故者其名糧節次詳報開除此
又從何追扣其餘見在官兵或隨征戍守海疆或調
遣防禦隘口尙在用命亦皆出於萬死一生之下何
忍以其見存之官兵而獨追扣乎况所需防勦衣食
與養贍家口惟賴此月餉今若一旦追扣則死者固
不可問而生者亦必向隅若先以事急則加賞今以
底定則扣追不惟有悖

朝廷愛養德意抑且非以鼓舞兵心卽從古所有挾纓投
醪之舉莫非加賞豈謂虛事以此論之實情有所不
忍勢有所不能行者也今據各鎮營移覆前來擬合
詳請本部院俯念窮兵連歲沙場捐軀報

國保固浙省克復闡疆其功不小其賞亦應免追伏祈
恩賜具

題請銷則存歿三軍咸沐

皇恩於無旣而所關激勸鼓勵更非淺鮮矣等因詳奉本
部院批官兵用命征勦勞苦堪憫且死亡過半前項
賞賚委難追扣但案准部文令於月餉內扣抵自應

作速扣還據詳應否免追仰再確議另詳速報等因
批行到司奉此復經轉移各營扣追去後今准各營
移覆到司該本司布政使李士楨覆看得康熙十三
年閩疆告變事出倉猝浙省勢切震鄰人心風鶴莫
有固志斯時惟有鼓勵士卒爲

國家用命乃第一急務本部院帷幄運籌早見及此會
同將軍撫院公議通省滿漢綠旗各營官兵一體賞
給俸餉一月用以固結軍心激發忠勇俾之安頓家
室修整甲械以備戰守一自賞給之後果能感恩効
命戮力禦侮或保固危城或攻克淪土皆百戰沙場

捐軀報

國一鼓而奪仙霞定八閩功莫大焉雖

朝廷養之恩施於平日而猝遇事變固志立功不可謂
非加賞鼓勵之成效也語云重賞之下始有勇夫况
當危急之際原非常格可拘今奉部文將此項賞給
銀兩於支給月餉內照數扣抵本司遵卽通移各標
營照數扣除去後茲准各營節次移覆皆言不能扣
追之故念自閩省叛亂浙地雲擾各營將士征調不
時隨處攻勦寄命鋒鏑建績疆場實係賞當其功並
非無功濫賞况滿漢官兵自出征以來或臨敵赴難

或疾病傷亡此等官兵尙當優恤已不能起白骨而問之卽見在官兵有隨征闕游調防各汛尙在用命所藉月餉以資飽騰今若以給過之銀而於見餉內追扣能無呼庚癸而隳士氣乎且查滿漢

禁旅從京出征者皆荷

皇恩預給賞資每名一二十兩不等莫非鼓勵之意若浙省所賞以滿漢官兵一月之餉每名不過一二兩費朝廷涓埃之惠而收地方底定之功一旦復欲扣除是國家用兵則同官兵用命亦同而

恩典獨異更非

廟謨軫恤同仁之意此扣追之議行於今日非惟事有所不便亦勢有所不能行也既經各鎮協營節次會覆相符合再詳請本部院俯念邊海窮兵數年盡瘁平定浙閩皆係有功之人宜有應得之賞不爲濫及仍賜具

題請銷免扣作三軍之氣而廣一視之仁俾人人知所勸勉其感激奮勵宜何如耶等因到臣該臣看得閩變初聞逆氛震動斯誠地方危急之時必須官兵先有固志感奮圖報而後戰守可恃故臣與前任將軍臣圖喇前任撫臣川逢吉公議預給通省官兵俸餉

一月共銀六萬二千三百二十三兩六錢零勉以立功卽作賞賚蓋合滿漢綠旗官兵而均行酌給者也當此征勦方興之際資爲餼糧衣裹有裨急需以故滿漢各營遣調勦禦用命爭先遂成勁旅是亦鼓勵之明效也臣先將權宜急著難拘常格情由具疏題請開銷部議令於支給月餉內陸續照數扣抵奉旨咨行到臣隨行布政司遵照去後據該司詳覆移准各標鎮協營備稱當日官兵領給賞賚之銀卽時濟用捐軀報効俱立戰功且有死亡事故日久開除見在之兵已非原伍勢難扣追詳請

題銷前來臣復遵照部文批行扣抵據該司覆詳無異
臣惟當日事勢實與承平大不相同當機應變關於
呼吸兩浙爲東南重地

朝廷數百萬錢糧皆由此出必不靳此六萬餘金以鼓滿
漢官兵之士氣故臣與將軍巡撫諸臣毅然行之今
仰仗

皇上天威疆圉底定滿漢各營兵丁皆百戰僅存之身咸
有邀

恩過望之念若將見支之月餉扣抵從前之賞賚無論陣
亡事故者不可復問卽見在官兵扣一月之餉卽缺

一月之食海疆窮戍勢難枵腹因而各營衆口哀籲紛紛請豁雖嚴行扣抵而軍心徬徨呼號彌切實以墊所難行孔前項銀兩總出於追回閩餉十五萬兩數內俛失復得藉以鼓勵衆心有闕

國計仰祈

皇上俯鑒通省滿漢綠旗官兵捍禦封疆底定地方著有功績將所賞一月俸餉特洪

曠典准免扣追在請將士感奮歡呼益當效死無旣矣至部議內開前疏稱留銀六萬兩今疏稱六萬二千三百二十三兩六錢零比前留用銀兩數多者因前銀

六萬兩係爲軍中有刻不可少之需等事一案具

題臣據布政司造冊見在另疏

題覆外至此案內銀六萬二千三百二十三兩六錢零
係屬兩案彼此數目原不相同再查內有給賞滿洲
官兵并督標衛協官兵一月俸餉銀四千六百九十
八兩六錢三分八釐又係卽於軍中有刻不可少之
需等事六萬兩案內動支給賞擬合一併聲明臣謹
會同撫臣李本晟合詞密

題伏乞

勅部議覆施行

康熙十九年八月十八日題奉

旨該部知道

彙報招撫投誠總冊疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲招撫統仗

皇威安插業已告竣謹據冊彙疏

題報仰祈

勅部議敘以昭鼓勵事據浙江布政司布政使李士楨詳稱閩變以來禍延浙省勾聯煽惑偽剝嘯聚實繁有徒自非勦撫並用散其羽翼未易奏功如浙屬衢金嚴寧台溫等處并鄰境海島各偽官兵分踞險要聯

結山寨無不稱立名號互相掎角荼毒生靈實爲地方大害蒙本部院多方指畫廣示招徠或開誠布信示以安全或冒險差員特申禍福或創戈於對壘或自拔於逆營者不可勝計迨斬關克敵崇山遂谷蟠結蔓延又復設法開導始激賞於先歸後相繼而革面至於鄰封遺孽游島餘氛又必諭示頻頒告誡諄切然後絡繹歸命在本部院殫心畢慮解散消弭而在事奉委人員亦皆恪守凜遵不憚勞苦因此各僞官兵傾心感激陸續來歸除隨便分發安插外其赴本部院軍前納款者俱蒙賞給袍帽銀牌口糧路費

等項分發効用入伍歸農安插訖今據各官將安插
過偽官花名偽兵數目并招撫在事人員造冊前來
本司查各案投誠有先經具

題已經造冊送部議敘今無庸重造者有先經具

題未經造冊送部今現在彙冊同送者有陸續招撫應
彙案具

題今一併彙冊造送者遵俱逐一分晰造冊并另備簡
明總冊現在詳請本部院具

題送部議敘庶在事人員冒險勞俾得均沾錄功之
典等因到臣該臣看得浙省向遭閩變衝溫台處四

府首當賊衝金嚴寧紹一帶寇氛四佈奸宄之徒所
在蠭起臣謬膺重寄督飭文武將吏勦撫兼施多方
招徠臣具有恭報招撫情形等事前後兩疏具

題仰邀

皇上俯鑒俱奉有悉心籌畫可嘉之

溫綸有功人員事平議敘之

俞旨欽遵在案繼而大兵前進此時僞授名號盤踞山谷
者不可勝計且江右鄰氛出沒岐界溲島遺孽突犯
不常臣殫竭心力設法消弭凡賊中名目最著者臣
卽給以諭帖開示禍福分頭往招各皆傾心革面再

如溫區逆衆相率輸誠臣隨具有微臣設法招徠等
事一疏及溫州全府恢復等事一疏各經

題報奉

旨在此案此外臣或遴選人員冒險開導或宣布誠信務令
安全使屯聚逆黨早得解散一日地方百姓早得舒
困一日故不敢靳惜犒賚以示鼓勵然後各僞官兵
感泣向化陸續來歸除大將軍康親王暨撫提各臣
題報不計外凡經臣

題報者共投誠僞官三千餘員僞兵人等一十一萬二
千二百餘名又陸續招撫僞官三千二百餘員僞兵

五萬三千三百餘名通計招撫過僞武職將軍都督總兵副叅遊都守千把等官僞文職兵部總督道府等官共六千二百餘員僞兵人等共一十六萬五千五百餘名所有僞勅印劄除繳送各衙門先經臣繳送兵部并投誠各官出山之日焚燬不計外現在陸續繳送臣軍前者僞勅三道僞今諭劄付牌檄等項共五千五百餘張僞封袋七百九十餘箇僞印一百八十九顆前將招撫投誠僞官兵除造冊送部議敘外尙有未經造冊送部者案經臣於恭報招撫情形等事疏內備開招撫有功人員投誠僞官花名并入

伍歸農及繳到偽劄俟安插定日客逐一查明造冊另疏

題明在案凡此投誠官兵皆易動難安之人若使其聚食衆多不但糜費錢糧且慮別生意外故當其來歸先加厚賞撫慰歸農必給途費總以立時解散爲主其情願收標者大約皆不便歸農之輩勢不得不准其効用入伍加意約束以馴服其叵測之心以故隱患漸消羣疑盡渙是皆仰賴

皇上天威使兩浙人民重登衽席也今據布政司備將招撫安插數目并在事人員繳到偽劄印劄開造總冊

及細冊前來臣惟在事道府等官奉臣飭行恪勤綏輯在事員役齎諭往招著有功勤其與成例相符者難以泯沒除將各冊送部外仰祈

皇上勅部分別議敘以示鼓勵至繳到偽勅割付爲數甚多一面彙發布政司收貯解部其繳到銀銅錫偽關防印信臣并發布政司貯庫應否照兩廣例就近銷燬止將銀銅錫斤兩報部以免驛遞之繁統俟部奪臣謹具

題伏乞

皇上睿鑒

勅部議覆施行

康熙十九年八月十八日題奉

旨該部知道

葉報勦殺逆賊恢復城池疏

總督浙江等處地方軍務兼理糧餉兵部尙書兼都
察院右副都御史正一品臣李之芳謹

題爲葉報勦殺逆賊恢復城池事案於康熙十六年正
月初五日承准奉命大將軍和碩康親王諭開准兵
部咨該臣等議得奉命大將軍和碩康親王疏稱遣
發滿漢官兵於大溪灘曹平關等處勦殺逆賊恢復
江山常山二縣直取仙霞嶺浦城等語奉

旨覽王奏親統大兵進勦逆賊指授都統賴塔副都統胡
圖等方畧於大溪灘曹平關等處擊敗賊衆斬殺甚多

焚燬賊營恢復江山常山二縣乘勝直取仙霞嶺招撫
投誠偽副將王明庫等沿途斬殺逆賊恢復浦城縣安
撫百姓得獲偽印劄盜甲器砲甚多具見王殫心籌畫
調度有方勦撫並用將士奮勇溪爲可嘉在事有功人
員着從優議敘具奏兵部知道欽此將滿洲有功官兵
俟回京之日議敘外查得總兵官黃大來等於大溪
灘等處勦殺逆賊恢復江山等縣應議敘但未造清
冊送部不便遽議移咨奉命大將軍和碩康親王轉
行浙江總督將在事有功人員確造清冊送部之日
再行議敘可也查得康熙十四年十二月議政王等

會議具

題一疏內稱投誠各官仍照定例部議給劄必致壅滯不得錄用嗣後各處統兵大將軍將軍等諒投誠各官功勞之大小酌給劄付簽大將軍將軍等印遇缺如果可用卽行酌用可也將軍等簽印給劄及所補之缺仍行報部等因通行在案今投誠僞副將王明庫等大將軍康親王已經酌量加銜給與劄付毋庸再議於康熙十五年十月二十四日題本月二十六日奉

旨依議等因到本親王合行諭知爲此特諭到臣承此該

臣看得衢州係入閩咽喉而大溪灘一路尤係賊營扼截之要害也是時閩逆精銳之卒畢集衢郡江山常山等縣悉淪賊境故必先破河西之勁敵而後各路諸賊不難瓦解臣是時察審形勢迤南則江山迤西則常山皆可間道截其糧運斷其歸路我兵一進賊必首尾受敵勢不能仍保巢穴便可長驅入閩止因兵力不敷先於逆賊負固日久等事請調鄰省官兵疏內備陳進剿機宜

題明在案嗣蒙大將軍和碩康親王於康熙十五年八月十四日統師至衢遣發官兵臣復督飭綠旗標營

直搗大溪灘賊營使彼首尾中斷方克制勝而滿漢官兵仰藉

呈威奮勇前進先取大溪灘營盤收復江山縣扼賊後路一面從河西進剿恢復常山縣軍聲自此大振直取仙霞關僞副將王明庫等相率來歸得獲險要克復福建浦城縣經大將軍康親王具

題奉有將士奮勇深入爲可嘉在事有功人員着從優議敘具奏兵部知道之

旨欽遵諭臣造冊送部議敘隨行據領兵鎮將各員造報履歷內因援閩官兵相距遙遠造報難齊今始旋浙

逐一查造前來惟是衢州歷年死拒之寇聯營列寨
僅隔一河臣身在行間督勵各鎮將大小百餘戰無
不捐軀用命自大溪灘獲捷恢復江常賊氛潰遁由
此各路逆衆聞風瓦解實賴

朝廷威靈大將軍勝算其在事人員功績亦皆昭著難泯
前康親王疏內所報獲捷情形在事綠旗有功人員
例難備載於領兵各官之下開列等字又臣於
題報疏稱其各官兵獲捷功次容核明另報誠以二戰
之功未便遺漏先爲聲明在案伏乞

皇上勅部將冊內人員一體從優議敘庶立功將士獲邀

信賞咸知激勸矣除將在事各員經臣逐一覆核
造履歷清冊揭送兵部核敘外相應

題報臣謹具

題伏乞

皇上睿鑒施行

康熙十九年十二月二十五日題奉

旨兵部知道

送事平議敘各案功績冊疏

總督浙江等處地方軍務兼理糧餉兵部尙書兼都察院右副都御史正一品臣李之芳謹

題爲欽奉

上諭事該臣看得浙省痛遭變亂衢溫處三府首當賊衝而杭紹寧台金嚴等府賊寇四出臣同平南將軍都統臣賴塔仰遵

廟算統領官兵抵遏重敵分頭堵禦凡一應進剿機宜與保固地方收拾人心臣皆晝夜兼行不遺餘力幸藉皇上天威將士用命屢著捷功迨大將軍和碩康親王與

寧海將軍固山貝子傅喇塔相繼抵浙軍聲丕振案
將各路獲捷情形俱經逐疏具

題荷蒙

皇上隆恩屢畀調度有方之

天語勗勵微臣欽遵事平議敘之

恩綸鼓舞將士無不感激涕零奮身圖報以故逆氛不旋

踵而殄滅此皆

煌煌上諭時切軫念之

宸衷格於遠邇也案照康熙十四年間蒙

皇上軫念綠旗官兵効力勦賊固守地方特奉

上諭議敘加恩臣欽遵案將奉

旨事平議敘各案在事有功人員造冊送部其尙在行查
竝續後各案功績經臣

題明容易造冊送部在案嗣蒙我

皇上軫念勞績凡奉

旨事平議敘者俱令察明功次卽行議敘惟部咨行造冊

臣遍行曉諭一面備行各標鎮協營造報清冊內因
援閩官兵相距遙遠一時不能取齊今始旋浙核造
前來臣復加確核備造履歷清冊除揭送吏兵二部
核敘外相應

題報臣謹具

題伏乞

皇上睿鑒施行

康熙十九年十二月二十五日題奏

自該部知道

請開復象山營都守各官疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲窮弁無俸堪憐年久例邀開復臣謹據詳

題請以勵後效事據浙江布政司布政使李士楨呈詳等因到臣該臣看得象山縣於康熙十四年八月內因該協副將羅萬里從逆失陷部議將都司僉書高昌守備張秉乾楊升千總郭進德張瑞劉之升鄭泓把總聶大標楊虎劉有功周進功張悌李振均應革職免其應擬之罪仍畱原任立功贖罪內郭進德已

補定海鎮標守備鄭泓現補千總亦准各畱陞任立功贖罪等因於康熙十五年二月初四日奉

旨依議欽遵在案今除守備張秉乾已經陣亡守備楊聲千總鄭泓先後病故俱無庸議外至都司僉書高昌守備郭進德千總張瑞把總張梯李振等均立有功績經臣具

題開復部議高昌等所行之處不大不足以抵罪

題請開復之處應無庸議等因隨行遵照在案今據定海鎮總兵官牟大寅黃巖鎮總兵官林本直及象山協副將汪國祥復詳都司僉書高昌守備郭進德千

總張瑞劉之升把總聶大標楊虎劉有功周進功張
悌李振自在俸以來已經五載有餘防禦險汛備極
勞苦且高昌等在營或久至六七年不等甚有二十
餘年者若再淹滯不邀升斗之祿不幾老斃疆場終
難陞轉因援三年無過之例呈詳請開復批行布政
司查覆前來臣惟武弁戴罪圖功乃

朝廷令其改過自新之典若必軍功方准開復今地方已
定衝鋒血戰事不恒有終身幾無開復之期故戴罪
圖功一條又開有三年之內地方寧謐并無罪過亦
准有題請開復之例今都守千把各官高昌郭進德

等十員自奉

旨任俸以來已逾三年之外咸能奮勉圖報克盡厥職現今常俸停支枵腹從事邊海窮員實堪憫惻今既據該司查議與例相符擬合

題請開復以廣

皇仁以鼓後效者也臣謹會同撫臣李本晟提督臣石調聲合詞具

題伏乞

勅部議覆施行

康熙二十年五月二十四日題奉

旨該部議奏

李文襄公奏疏卷九

開復各官

四十五

請補黃巖鎮額馬疏

總督浙江等處地方軍務兼理糧餉兵部尙書兼都察院右副都御史正一品臣李之芳謹

題爲請循原鎮舊制加撥額馬以資馳剿以固邊防事
據浙江布政司布政使李士楨呈詳到臣該臣看得
黃巖鎮營制原額馬一步九戰三守七共戰守兵丁
二千九百五十名戰馬二百九十五匹此係前經
題定并於歷年季報冊內開造達部在案至康熙十五
年間緣浙省設立水師提督尙在募兵未足適黃巖
總兵官鮑虎病故亟資重臣彈壓臣遂將黃巖鎮標

官兵改爲水師提標庶可兵不別募餉不加增授之
另設水師提標旅費糧餉所省實多臣於黃巖鎮現
在缺員等事一疏

題改爲水師提標因照水師營制存馬一百匹將餘馬
撥入各營補額此當日改鎮爲提之始末也今復設
爲黃巖鎮是仍以原舊之鎮標復還原鎮之舊制實
非原係水師提標今始改設爲鎮標也先據鎮臣請
復舊標缺額馬匹詳臣

題請部覆黃巖鎮標兵丁乃係水師提標原額其請補
設缺額馬匹之處仍無庸議等因隨行遵照在案茲

復據鎮臣林本直激切呈詳又准提臣石調聲循例
咨會臣行據布政司議詳前來查黃巖鎮營制歷設
已久前者水師提標原從黃鎮改設今裁水師而復
黃鎮仍係以鎮復鎮實非水師提標原額也在當日
改設水師提標原無陸營之責故止畱馬一百匹今
復設爲鎮標現轄寧波象山寧海台協黃巖太平陸
汛延袤七百餘里遇警策應惟馬是需職掌旣與水
師不同營制又非水提原額馬匹自應照舊復設况
現今浙省溫州平陽定海三鎮俱係馬一步九黃巖
遍臨濱海邊汛延長四鎮經制事同一例戰馬誠難

獨缺既據該司議詳前來除水提原額暫畱兵四百五十名臣見在另疏裁撤外其所缺經制額馬臣從防勦海疆起見謹再疏

題請仰祈

皇上勅部將黃巖鎮標缺額馬一百九十五匹仍照原制補設庶戰守有資所裨營務匪淺矣臣謹會同撫臣李本晟提督臣石調聲合詞具

題伏乞

勅部議覆施行

康熙二十年七月二十七日題奉

旨兵部議奏

請撤水師提標暫畱兵丁疏

總督浙江等處地方軍務兼理糧餉兵部尙書兼都察院右副都御史正一品臣李之芳謹

題爲

請撤暫畱兵丁以節省糧餉事據浙江布政司布政使李士楨呈詳等因到臣該臣看得浙省於康熙十五年間將黃巖鎮改設水師提標增爲四營兵技鎮標多添四百五十名共計戰守三千四百名馬技鎮標裁減一百九十五匹止存一百匹後水師提標仍復爲黃巖鎮隨將原兵二千九百五十名歸入經制原額

馬止將現在一百匹改入鎮標經制額馬迄今未補
維時有餘剩兵丁四百五十名因沿海寇氛狂逞汎
廣兵單分佈不敷經臣

題明暫畱分禦要汛俟海寇稍平再議裁汰等因准有
部覆如臣所

題奉

旨依議欽遵在案嗣巡查海口戶部郎中臣布詹等閱視
沿海目擊險要在在需兵移臣撥發分防幸各安堵
但前項兵丁原係暫畱又當酌量情形以圖節餉臣
隨移戶部郎中臣布詹等復檄布政司查議詳覆前

來臣惟近日浙洋餘氛出沒毒據沿海各營汛瞭報
賊踪飄忽無定倘禦固不容少弛然技之渠魁劉天
福劉赦等未經歸順以前大踪巨夥分頭窺犯之形
勢似不相同雖暫畱兵丁爲數無幾未免多一兵卽
糜一兵之餉當此

朝廷軍興浩繁之時安敢不力行節省相應將前項餘兵
四百五十名

題明裁撤陸續查汰補伍使有歸著至邊海緊要各汛
臣當與撫提各臣綢繆調度嚴飭各鎮營官兵加謹
防禦相機勦撫以固封疆者也臣謹會同撫臣李本

晟提督臣石調聲合詞具

題伏乞

勅部議覆施行

康熙二十年七月二十七日題奉

旨該部議奏

請復楓嶺營浙閩分轄舊制疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲仙霞係全浙咽喉請復舊時營制增補現在官兵以固險要以重責成事據浙江布政司布政使李士楨詳稱看得仙霞一關浙閩要隘先係順治十一年間奉前任浙閩劉邵院於要地議設專營事案內

題請設立楓嶺營在衢郡江山縣念八都地方浙閩接壤緊要之處設遊擊一員守備一員千總二員把總四員兵一千名浙閩各設兵五百名分防卽於浙閩

各支糧餉後因康熙九年爲財賦盡廢於兵餉等事
案內奉部將楓嶺營在浙食糧兵五百名算入福建
經制數內此後俱歸閩省支給糧餉調度不屬浙省
統轄矣迨十三年變起倉猝浙省聲息不通要地早
爲賊踞者弊實由此及經恢復荷蒙奉命大將軍康
親王統兵入閩相度仙霞險要諭令援勦鎮李總兵
統兵駐防及援勦鎮奉裁蒙本部院又另撥官兵專
防迨援閩督標後營官兵回浙卽撥後營官兵分防
因而數年以來鄰寇竊發餉勒經臨得保無虞是以
營將有復設專營之請也今本司查循屬界臨江右

接壤閩疆其仙霞一關最稱險要西聯處屬龍泉遂
昌兩縣其間如柱溪周公源口黃皮山等處又東聯
玉山永豐兩縣地界其間鷄公山封禁山子午口猴
嶺八仙洞等處向稱盜藪出沒仙霞一帶鳥道叢雜
處處可通此係上游重地非特設專營控制不可第
目今需餉浩繁其官兵若另行創設復恐多費錢糧
查援閩督標後營官兵原奉部文照例額外畱浙准
食俸餉遇缺補用今現存官兵五百餘員名相應補
入楓嶺營其營制仍照舊管轄庶兵不加增浙閩各
有責成而全浙門戶得以永固誠爲計慮深遠策之

至便者也伏乞特賜具

題等因到臣該臣看得浙省上游重地界聯閩江莫重於三衢而衢之險要特爲咽喉門戶者又莫重於仙霞一關蓋其山勢險峻旁通各屬伏莽易於嘯聚是以順治十一年間經前任督臣劉清泰

題設楓嶺營制駐劄浙省江山縣念八都地方分防浙閩內遊擊一員千總一員把總二員兵丁五百名入浙江營制俸餉歸浙支給又守備一員千總一員把總二員兵丁五百名入福建經制俸餉歸閩支給迨康熙九年爲財賦盡糜於兵餉等事案內部議將浙

兵五百名撥入閩省自此於浙不相統轄至康熙十三年閩中變亂楓嶺官兵不屬浙省所管以致仙霞天險反爲賊踞聲息不通寇兵遂得深入仰賴

朝廷天威掃蕩恢復大將軍康親王統師征閩目擊仙霞險隘隨諭浙省官兵駐守茲據營將具詳批行布政司查議前來又准福建督臣姚啓聖移咨三省總要之區應設官兵駐防誠有見於交界重地岐路叢雜幅輳遼闊惟恐奸徒乘虛竊發變亂之後不得不計慮周密也臣惟衢屬念入都仙霞等汛皆係浙省地方若徑聽閩省官兵駐劄防守一應稽察節制事宜

浙省皆不得與無論萬一地方失事難於責成查叅
卽地方無事督護餉鞘稽查奸宄一切職掌汛守均
屬未便況閩省處外浙汛在內從來守關之法自應
從內以控扼於外未有反藉他兵自外而遙制於內
者爲今日地方綢繆之計自應爲浙閩永遠之謀當
此需餉浩繁若於浙省添營或增額募兵均非所以
節省糧餉查臣標後營守備任選等官兵援閩而戰
効力疆場部議照例額外畱浙准食俸餉遇缺補用
奉

旨依議欽遵在案臣請將楓嶺營循照舊制兩省分轄仍

爲浙閩楓嶺營將現存援閩原標後營官兵五百員
名增入該營經制分爲左右兩營其中守備改爲左
軍守備并千總一員把總二員兵丁七百五十名於
閩省支餉增設守備一員爲右軍守備并千總一員
把總二員兵七百五十名於浙省支餉其遊擊一員
兼聽兩省節制仍於浙省支餉至於增設右軍守備
一員臣

請卽以守備任選補授如此則汛守各有專責職掌不致
兩岐且卽以現在支餉之官兵補入需兵之重汛兵
不另募餉不加增其於鞏固三省要地實有攸賴矣

臣謹會同撫臣李本晟提督臣石調聲合詞密
題伏乞

勅部議覆施行

康熙二十年七月二十七日題奉

旨兵部議奏

賞給官兵銀兩委難追扣疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲題明賞給官兵銀兩仰懇

天恩特賜開銷以鼓兵心事據浙江布政司布政使石琳呈詳據各標鎮協營移稱等因到司該本司布政使石琳看得給發官兵月餉一案康熙十三年間因閩逆變叛浙省震驚當時急圖保固封疆安全民命厲兵秣馬之秋全在格外鼓舞收攝將士之心使之奮勇克敵爲

國家用命蒙本部院與前任圖將軍前任田撫院公議
籌畫給賞通省滿漢綠旗各營官兵一月俸餉共銀
六萬二千三百二十三兩六錢零賴以固軍心而發
忠憤安家室而整甲械俾士卒同心戮力恢復疆土
此一月之賞賚實繫全省之安危今浙閩大定功莫
大焉先將前賞之銀已於康熙十三年地丁

奏銷冊內造報開銷在案屢奉部文扣抵在部臣職掌
司農不得不爲湊求但當日賞賚實關閫外機宜今
復於見支月餉內扣抵本司遵卽移行各標鎮協營
去後除江南提標右營狼山營俱經回汛無從扣追

外今准滿漢各標鎮協營覆稱皆以賞賚官兵事在
康熙十三年間距今業已八載當日領賞原人或有
對壘衝鋒捐軀陣亡者或有陞調他省無從查扣者
或有久戍沙場事故開除者有黃巖溫處各原營官
兵俱皆陷失者再有上年奉文裁汰撥補新募兵丁
者此皆莫可追求今瑩瑩士卒仰給月餉計日授食
尙苦不敷若扣除一日卽枵腹一日且係立功在先
殊難扣抵於後懇請

題免各情瀝覆前來本司新任茲土雖未覩昔時戰功
情形然按閱原卷及各營移文復加諮詢歷歷可稽

如衛台溫處賊勢猖獗省會重地亦幾爲震動所賴
滿漢官兵保固危城克復淪土繼而斬奪仙霞進定
閩亂成此大功雖諸將士効忠報

國義奮同仇亦莫非感

恩用命獲賞致勇之效也況案奉部文開有功之人理應
犒賞之語在各官兵披堅汗血轉危爲安誰非有功
之人孰非應得之賞今疆圉底定一旦扣追死者固
難問諸九原生者亦不能枵腹荷戈此滿漢官兵勢
難扣追之實情如此前項賞銀康熙十三年地丁

奏銷冊內造報開銷在案相應再請亟賜

題銷庶建功官兵死生銜結不朽矣等因到臣該臣看得康熙十三年間當倉猝告變之時人心搖動封疆安危攸係若非鼓勵官兵俾其戰守有資焉能激發忠勇使皆樂於用命臣與前任將軍臣圖喇前任撫臣田逢吉公同籌畫議將追回閩餉十五萬兩內給發通省滿漢綠旗官兵俸餉一月共銀六萬二千三百二十三兩六錢零蓋以前項失而復得無虧國家之公帑且使行者齎裹有資守者內顧無缺然後軍心齊奮戮力禦侮保固危城恢復淪土以致底定全浙由此直入閩境此固

朝廷養士卒之深恩亦激賞官兵之明效也前部議令於月餉內扣抵經臣備將勢難扣追緣由屢疏請豁部議仍令速行扣抵卽嚴行布政司遵照於滿漢各標營扣抵去後臣隨准鎮浙將軍臣馬哈達咨稱各旗兵寡婦咸稱前因閩省變亂蒙憐窮兵無銀整備器械各賞銀兩自亂以來買馬置械家家負債若按扣除將何抵償且陣亡病故骨殖到杭寡婦已經進京者甚多叩乞移咨覆部免追等語而綠旗各標營亦復紛紛詳額今據該司詳覆各標鎮協營皆以賞賚官兵事在十三年間當日領賞原人陣亡病故陞

調開除以及陷失裁補事故多端見存舊兵無多卽間有十之一二皆係衝鋒陷陣百戰餘生方在邀

恩過望此滿漢官兵勢難扣追之實情如此臣惟兩浙當日情形安危關乎呼吸方賴滿漢官兵効命堵禦安可少靳賞賚况藉此以鼓軍心人思奮勵始克底定是所費者少而所全者大若欲事後扣抵以見在兵丁之口糧追補從前之給賞不但代人賠累扣除一日卽受一日之枵腹宜衆兵之謦謦申訴也自用兵以來臣伏見我

皇上軫恤滿漢綠旗官兵

天恩優渥今隨骨殖進京之寡婦旣無從清追卽各標營防勦之窮兵勢難代扣臣身在行間目擊兵苦誼難緘默不敢不據實上

聞仰祈

睿鑒俯照前疏准免扣抵存歿三軍咸沐

皇恩於不朽矣臣謹會同撫臣李本晟合詞密

題伏乞

勅部議覆施行

康熙二十年十一月二十九日題奉

旨該部知道

卷九終

李文襄公奏疏目錄

題稿卷之十

班師

請設專員審理逃人

請免通省各營裁兵

恭報旋省日期

請免出征馬匹賠椿

請免追扣裁兵糧餉

彙報確核給領卹銀

陞補兵部尙書謝恩

題明總督印務巡撫署理

交代赴京

李文襄公奏疏卷十

男 鍾麟編次

請設專員審理逃人疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲請賜循例分設以專職守事據浙江布政司布政使石琳按察司按察使教化新呈詳到臣該臣看得逃人一項定例開載

題明頒行者條分縷晰既重逃丁之窩匿尤嚴扳害之株連旗民均有關係故職司審理之官務期至當始

可奉行而無弊先據杭州府同知程汲詳稱以省會
衙繁本等職業之外不能兼理通省逃人請照江南
另設理事同知之例批行布按二司查議去後茲准
部文今後拏獲逃人將軍城守尉等與同城居住之
總督或巡撫或官職大者會同審理等因又准將軍
臣馬哈達咨開審理逃人本將軍衙門向發理事作
領協同地方官審理取供回堂其會同審理之員聽
臣專委等語隨行據該司等會詳省以官員各有錢
糧刑名地方責任勢難專司會審并移查江南專設
理事同知之例詳請前來臣惟旗下私逃人犯多係

浙省土著又皆奸猾無良不安於鄉里始投旗典身
生事爲害詭譎變詐不可窮詰彼既不念旗主收養
之恩何有於平民百姓以故拏獲狡供希圖挾詐爲
禍最烈若非設立專員滿漢兼通才幹精敏者豈能
洞燭情理以窮兔脫藏匿之奸并杜株連無辜之害
惟是所屬司道各官俱有地方民務諸事殷繁卽或
分身兼理稍不專心詳慎貽害非淺江南與浙省無
異前設理事同知一員專管審理滿漢一切互訟及
旗下逃盜等案卽將總督臣阿席熙衙門筆帖式觀
音保

李文襄公奏疏卷十

卷十

二

題授成例昭然今臣衙門筆帖式傅爾丹滿漢兼通才識勤練向來管理通省逃人報部冊籍目今浙省事平亦無別項清字文移番譯可省伏乞

皇上俯念審理逃人有關兵民休戚請照江南之例另設理事同知一員卽以臣衙門筆帖式傅爾丹補授協同理事佐領等官審理取供回堂發落庶各旗走逸之人易於緝審而指供扳害之弊亦免株連矣臣謹會同撫臣李本晟合詞具

題伏乞

勅部議覆施行

康熙二十一年二月二十一日題奉

旨該部議奏

請免通省各營裁兵疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲請

旨班師事康熙二十一年正月初五日准兵部密咨內開
職方清吏司案呈奉本部送密封內該本部覆綏遠
將軍湖廣總督蔡毓榮題前事等因康熙二十年十
一月初四日題本月二十五日奉

旨兵部速議具奏欽此密封到部該臣等議得綏遠將軍
總督蔡毓榮疏稱雲南新復地方最爲緊要進剿綠

旗官兵畱守雲南及發回原汛等因具題查近經議
政王等會議將軍總督蔡毓榮止帶伊標五營官兵
同大兵駐劄雲南候

旨其餘綠旗官兵均應令其回汛總督金光祖董衛國提
督周卜世等亦將伊等原帶進剿綠旗官兵各回原
汛等因具題奉

旨遵行在案應將此處無庸再議其進剿雲南隨征各兵
丁有願爲兵者補入額兵內爲兵願爲本處兵者發
往本省頂補裁汰老弱兵缺爲兵願爲民者俱發各
回原籍交與地方官安插得所各省調發官兵俱令

回各原汛應將建義將軍侯林興珠同大將軍等來京俟到日再議至懷忠將軍海潮龍因進兵機會帶領官兵迎降且海潮龍係舊人准畱雲南以總兵缺補用至逆賊吳三桂變亂地方反叛以來各省有議政王等會議添設官兵者亦有臣部議覆准添設者此皆係酌量地方緊要所設今仰仗

皇上威福恢復雲南省城勦滅賊首吳世璠地方皆已底定此等添設多餘官兵均應裁去相應行文各省督提等俟調發官兵回汛之日所有添設多餘總兵并官兵一面裁去一面速行奏

聞其兵丁查經制內裁汰老弱補入其總兵并各官俱令
赴部候補可也康熙二十年十一月二十八日題十
二月初二日奉

旨依議欽此密封到部移咨到臣行據浙江布政司布政
使石琳查覆到臣該臣看得自逆賊吳三桂等變叛
以來各處多有添設官兵今部議地方皆已底定此
等均應裁去等因臣卽移咨撫提二臣并行布政司
遵照去後茲據該司詳稱浙省當用兵之際因經制
官兵防禦不敷曾調發江南提標各營暨京口各營
以及狼山營官兵赴浙援剿又添設援剿鎮標督標

前後一營并黃巖鎮改爲水師提標官兵後因浙省官兵調閩者多部議浙省近海關係最要兵額宜增令召募五千名按緊要地方分附迨地方漸定陸續裁撤訖又新奉文議留撫標兵丁裁去通省各營兵丁一千五百名沿海汛地兵單尚苦不敷此外實無多餘非若別省因地方變亂於經制額外另有添設鎮營官兵今應裁撤者可比詳請

題覆前來又准提督臣石調聲咨會前因臣查浙省自閩變以來添設官兵俱已裁撤無存惟是浙爲邊海重地原額經制兵共五萬一千五百五十名自康熙

五年以後陸續裁去兵共六千五百五十名臣於蒞任之初酌量形勢要害具有浙省汛廣兵單等事一疏量復原額兵三千六百三十九名尚不及當日經制之數况今議畱撫標兵丁又裁通省各營兵一千五百名在各營兵數益少目今地方雖定而沿海逼近閩洋毒據各汛營報文賊踪不時飄忽官兵分佈在在宜嚴不無捉襟露肘之虞通省各營見在額兵並非多餘應俟游氛盡絕之日再議者也相應具疏題明臣謹會同提督臣石調聲合詞密疏具

題伏乞

勅部議覆施行

康熙二十一年七月二十五日題奉

旨該部議奏

恭報旋省日期疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲遵

旨班師恭報微臣旋省日期仰祈

睿鑒事康熙二十一年六月二十六日准吏部移咨到臣
准此捧接

綸音仰見我

皇上俯鑒微臣駐衙九載將士久戍

特允班師不勝感激涕零伏思康熙十三年間驟當閩變

臣仰遵

廟謨星馳衛境逆賊精銳已逼內地臣與滿漢官兵扼截賊衝誓師孤城且戰且守調遣所屬將士激勵申明共圖滅此朝食計大小一百四十餘戰俱經臣

題報在案此皆仰賴

皇上天威殄滅逆賊底定疆圉惟是三衢地處上游爲全浙門戶江閩隔省地方及各路遺孽竄伏未靖臣勦撫兼施恢復江西玉山鉛山等縣并招徠各路渠逆統計經臣

題報撫過各僞官兵共一十七萬餘員名一面解散安

掃清弭隱患綏輯黎庶漸致安全今遵奉

俞旨旋省三軍歡聲雷動臣統師之初本欲捐糜頂踵上
報

國恩何幸今日事定班師臣有生餘年皆我

皇上之再造也隨分微各屬文武并沿海各鎮將及江西
福建三省交界地方嚴行申飭加意防範復將投誠
人員安插得所已於康熙二十一年八月初一日旋
省謹將微臣旋省日期

題報所有

欽部事件俱應於旋省之日扣限完結合併

題明臣謹具

題伏乞

睿鑒勅部施行

康熙二十一年八月初八日題奉

旨該部知道

請免出征馬匹賠椿坑

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲請定歲終

奏報以肅馬政事據浙江布政司布政使石琳詳稱奉

臣案驗康熙二十一年三月十五日准兵部咨開車駕清吏司案呈奉本部送准浙江總督李之芳咨前事等因到部奉批駕司察送司奉此准浙江總督李之芳咨稱康熙十七年分浙省各標協營倒斃馬七十八匹俱係出征閩省援剿漳泉各處勞傷倒斃難

照承平倒馬之例追賠且十八年分各營出征倒馬
賠椿銀兩奉

旨着免則十七年出征倒斃馬匹在十八年之前咨請一
例免賠等因前來查浙省十八年出征倒斃馬二百
五十三匹奉

旨出征地方馬匹倒斃着免椿銀不爲例欽遵在案前項
倒斃馬匹不便一例准免應仍咨該督速行按年追
賠椿銀報部可也等因呈堂咨院行司奉此又爲前
事奉本部院案驗康熙二十一年四月二十一日准
兵部咨開車駕清吏司案呈奉本部送兵科抄出本

部覆浙督李之芳題前事等因康熙二十年十二月二十四日題二十一年二月初五日奉

旨着察核該部知道欽此欽遵於本月初六日抄出到部該臣等議得浙江總督李之芳將浙省各營并江南調浙各營官兵康熙十九年分朋椿銀兩馬匹數目造冊奏報前來查冊內新收朋椿銀三萬一千九百一十四兩八錢六分零內各營買馬一千一百一十八匹用銀一萬七千七百六十兩等語每匹一十六兩與上年買馬價值無浮相應照數准銷又各營修船動用朋銀二千二百四十四兩三錢二分零應俟

工部核明之日再議尚餘銀一萬一千九百一十兩五錢零應交戶部充餉再查冊開共收裁馬五百七十五匹分給各營止四百五十五匹數目不符此項裁馬分給各營領騎或係新增或係頂補缺額未經聲明且所裁馬匹從前並未報部又出征倒斃馬二十一匹免賠椿銀等語並非對陣追賊倒斃不便免賠應咨該督照例按年追賠椿銀并將前項裁馬數目不符之處逐一查明報部再議可也等因康熙二十一年三月初六日題本月十九日奉

旨依議欽此欽遵抄出到部各院行司奉此除裁馬數目

不符之處已經另詳咨部外所有賠椿銀兩遵卽轉
移各該營追賠椿銀去後續准各營移稱等因各到
司准此該木司布政使石琳查得浙省各標營官兵
調援閩省各路馳驅征勦康熙十七年間共倒馬七
十八匹內督標中營二十三匹左營一匹後營二十
一匹撫標左營六匹右營四匹提標一十二匹嘉興
營九匹湖協二匹又康熙十九年間共倒馬二十一
匹內督標後營一十一匹撫標左營八匹右營一匹
提標一匹此皆因勦禦勞傷以致倒斃業經造入
奏冊請銷又蒙本部院咨部免賠椿銀在案今復奉部

文按年追賠椿銀報部遵經移行各營追賠去後今
准各營咸稱俱係出征閩省馳勦勞傷倒斃之馬與
平時在營喂養不調者不同仍請照十八年出征倒
馬奉

旨免賠椿銀之例請免各等情前來查康熙十八年浙省
出征倒斃馬匹奉

旨出征地方馬匹倒斃着免椿銀不爲例欽遵在案則十
七年十九年出征倒斃之馬似應一體邀

恩况援閩各兵効用疆場晝夜堵勦馬不離鞍人不解甲
衝鋒冒刃身命尚不自惜何能保馬不勞傷并不倒

斃乎迄今時遠年久無論各兵裁汰身亡事故者難以追賠卽見在窮兵俱係百戰餘生餬口不給萬難再加追補旣據各營合詞哀籲實屬勢所難行伏祈俯照十八年

恩免之例具

題豁免以廣

皇仁以恤窮兵等因到臣該臣看得浙省各標營援閩官兵於康熙十七年間共勞傷創斃馬七十八匹十九年間共勞傷創斃馬二十一匹案經援例請免賠椿銀兩復准部咨按年追賠報部隨行布政司遵照去

後茲據該司詳稱康熙十八年出征倒斃之馬奉旨免賠椿銀則十七十九年分出征倒斃之馬似應一體邀

恩况援閩各兵効命疆場晝夜堵剿衝鋒冒刀身命尚不自惜亦何能再保積勞之馬匹不致倒斃且時遠年久無論各兵裁汰身亡事故者難以追賠卽見在窮兵俱係百戰餘生餬口尚苦不敷萬難再行追補今據各營合詞哀籲請照十八年

恩免之例

題請豁免前來臣查康熙十七年十九年間援閩倒斃

馬匹實係征勦勞傷其十八年倒馬已蒙

皇上俯鑒出征地方奉

旨着免賠椿勞苦窮兵歡聲載道在十八年者既免則十七十九年分同爲出征地方應邀一視之

恩況各兵百戰餘生勢難追捕仰祈

皇上俯念兵丁隔省馳驅將此出征地方勞傷倒馬准照十八年免賠椿銀之例

勅部一體豁免則三軍感激共沐

皇仁於無既矣臣謹會同提督臣石調聲合詞具

題伏乞

勅部議覆施行

康熙二十一年十月十五日題奉

旨該部議奏

請免追扣裁兵糧餉疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲兵食自當合算請嚴冊報之限以便綜覈事據浙江布政司布政使石琳詳稱奉臣案驗康熙二十一年四月初五日准兵部咨開職方清吏司案呈奉本部送准浙江總督李之芳題前事等因到部送司查先准浙江總督李之芳咨送康熙十九年分浙省各營實在官兵數目文冊前來本部查康熙十九年六月內將浙省新增兵五千名督標前後二營共二千

名裁去今查該撫送到糧餉冊內將所裁督標前後二營及新增兵丁至八九等月尚有開支糧餉不便轉送戶部應行該督撫查明扣除另造清冊送部再議去後今准該督咨稱標下前後二營及新募兵丁因裁兵數多各營不能一時如數清汰窮兵在營候補萬難令其枵腹所支八九等月糧餉難以扣除等因查浙省所裁督標前後二營并新募兵丁本部已經議覆不准陸續頂補於通省各營內查汰老弱兵缺作速撥補在案其各兵糧餉是應於奉裁之日卽行住支何得於奉裁之後仍令照舊支給相應仍咨

該督撫八九等月支過額餉查明扣除另造清冊送部再議等因呈堂移咨到院仰司卽將奉裁督標前後二營并新募兵丁支過康熙十九年八九等月糧餉查明扣追另造清冊具詳奉此遵卽備移督標并附支新兵各鎮營遵照查扣去後續准各鎮營移稱等因各到司該本司布政使石琳看得浙省康熙十三年間閩逆變亂賊寇蜂起四野震驚斯時汎廣兵單防禦不敷因奉文添設督標前後二營兵二千名應援金衢調防江閩歷年征勦刻無寧晷又康熙十七年間本省經制官兵多調援進閩奉部議浙省近

海關係最要兵額宜增令招強健兵丁五千名按緊
要地方分附隨卽選募強兵分發沿海一帶并衢州
緊要地方扼防前項各兵寄身鋒鏑而樂爲我用者
惟藉此區區糧餉以羈縻之耳及賊寇蕩平班師回
浙煢煢戍卒暫得休養而七月內卽奉行裁於通省
各營內查汰老弱兵缺撥補第各營兵多缺少一時
不能卽補且前項兵丁尚在江山仙霞盆亭并邊海
各汛見役糧餉自不可一日缺給所以有支至八九
等月今奉部行各兵糧餉應於奉裁之日住支何得
於奉裁之後仍令照舊支給應將八九等月糧餉查

明扣除另造清冊送部再議等因遵奉轉移各鎮標營扣追去後今准各鎮營移覆援請

恩詔俱免扣追之例請免前來本司查此項兵丁如竟奉文裁撤不令補伍似應於奉裁之日住支若謂軫念有功着令查汰省內老弱兵丁及缺額頂補則是奉裁之日始得轉行各營查汰各營轉報汰退兵缺數目往返必需時日即使作速撥補乃各營兵丁亦係歷經戰陣之兵非盡老弱安能一時補足是斷不能以奉裁之日住支可知矣其支過八九等月糧餉不但回籍歸農與夫逃故之兵無從追償卽見在補伍

之兵亦難復行扣除而使之枵腹荷戈也查康熙二十
十年十二月二十日奉頒

詔款八旗官兵及綠旗官兵並投誠官兵有因多給錢糧
扣追者俱免扣追等因又康熙二十一年八月初六
日奉

上諭諭兵部近因逆賊蕩平四方底定將經制之外增設
綠旗兵丁議令裁汰於二年內陸續報完原以寬恤民
力敕定四方今思各處兵丁多有隨征進勦効力行間
綿歷歲時倍常艱苦事平回汛若漫無分別一槩裁汰
深爲可憫着該督撫提鎮等官於裁汰之時詳加察閱

不得混畱私人反將曾經効力兵丁輒行裁退至於已裁兵丁及投誠歸籍人等恐有無籍可歸艱於生計者各該地方官設法安插善加撫輯等論則是督標前後二營兵丁與新增兵丁俱經隨征閩江汛防沿海効力行間亦幾綿歷歲時倍常艱苦矣卽有裁汰歸農者亦當在安插得所善加撫輯之中茲不過於奉裁之後因通省各營不能一時卽補多支一二等月役過糧餉此正與

上諭憫恤効力兵丁之

溫綸及

恩詔款內多給錢糧俱免扣追之例相符是前項糧餉相應照例免追無庸另造清冊合請核

題照冊開銷以廣

皇仁以恤窮兵等因到臣該臣看得康熙十九年分浙省實在官兵數目先經造冊送部准兵部咨查所裁臣標前後二營及新增兵丁糧餉應於奉裁之日卽行住支何得於奉裁之後仍令照舊支給應將入九等月支過糧餉查明扣除另造清冊送部再議等因茲據該司詳稱奉裁補伍兵丁前因不能一時卽補各兵尚在汛防難以住支所有支過八九等月役過糧

餉不但歸農逃故者不能追償卽現在補伍兵丁亦復難行扣除撥奉

上諭並頒行

恩詔請免扣追照冊開銷前來臣查臣標前後二營因閩變添設訓練金甌各處繼同大兵進閩恢復地方兼防江右岐界江山仙霞及福建盆亭等關又續募新增兵丁分附沿海各險要地方晨昏風雨荷戈戍守備極艱辛臣於事平之日未奉部文卽具

題裁撤總爲節省錢糧起見但裁去多兵是必安插得所卽部議查汰省內老弱及缺額作速撥補亦未令

將糧餉卽行住支浙省裁兵數至七千不爲不多若
一旦遽絕其養贍之資勢難保其相安無事故於數
月之內將應裁之兵汰補停妥使其帖然就伍不爲
不速所有給過康熙十九年八九月糧餉實處萬
不容己之勢查

恩詔內開綠旗官兵有因多給錢糧扣追者俱免扣追實
與此款相符仰祈

皇上俯鑒効力窮兵役過糧餉萬難扣除

勅部一體免追照冊開銷三軍頂戴

皇恩當無既矣臣謹會同撫臣王國安提督臣石調聲合

詞具

題伏乞

勅部議覆施行

康熙二十一年十一月初六日題奉

旨該部議奏

彙報確核給領卹銀疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題爲彙報傷亡官兵事據署布政使司布政使事驛傳道叅議李之粹呈詳該臣看得浙省於康熙十三年間閩變突犯衢扼首衝溫台處金以及嚴寧紹等處山海交訌煽亂蜂起維時臣鼓勵將士申明紀律奮勇用命仰賴

皇上廟算各標鎮協營綠旗官兵遵臣調度所向克捷其間大小血戰一百四十餘次衝鋒陷陣多有傷亡念

此殄賊捐軀魂游戰壘誠堪憫惻臣屢次捐資設奠
臨祭灑泣以慰報

國之忠茲據鎮將陸續呈報陣傷官兵共二千五百餘
名陣亡官兵共一千五百餘名臣屢經駁查在案欽
奉

恩詔內開滿洲蒙古漢軍漢人文武五品官以下有頂帶
以上若係陣亡殉難賜卹致祭又定例開陣亡千總
給卹銀一百五十兩把總給卹銀一百兩馬兵給卹
銀七十兩步兵給卹銀五十兩外委官不論大小照
馬兵例等因在案第

朝廷卹賞所以矜慰存亡當此軍餉浩繁之際斷不敢小有冒濫臣矢公矢慎如當陣受傷經臣捐資就地量加賞賚并行各鎮將酌量獎勵者無庸再爲請賞至若陣亡官兵雖無家屬例給奠銀臣思此項旣無親人承領恐致中飽且屢經臣行間祭奠無庸概給是亦節省錢糧之一端也惟見在確有家屬者行據布政司轉移各鎮營造送冊結前來共計真正有家屬陣亡千總共二員把總共五員外委官共五員馬兵共十八名步兵共三百七十二名臣復再四嚴加確核無異除冊送部外相應

題卹以彰

皇恩俟給領卹銀完日將動用錢糧數目并家屬姓名實收送部查核如有家屬續報亡故當另行扣除再照浙省援閩陣亡官兵咨准福建督臣姚啓聖咨開調援福建官兵當日各處殺賊內有傷亡官兵經據報彙冊具

題請卹內或有傷亡彼時未經造報者無憑彙

題此外尚有傷亡官兵應聽臣就近查明照例徑

題等因第查浙省援閩官兵如平陽鎮標把總王一彪

臣標把總郭惟俱援閩陣亡經臣節次移咨福建督

臣姚啓聖在案今福建請卹之內尚無其名并有援
閩陣亡官兵未邀

題卹者屢據家屬紛紛哀額所有援閩未經

題卹官兵應請

勅福建督臣查明一并

題卹以慰忠魂除將各營呈報援閩陣亡官兵臣復移
福建督臣姚啓聖外相應

題明臣謹會同撫臣王國安提督臣石調聲合詞具
題伏乞

勅部議覆施行

康熙二十一年十二月十七日題奉

旨該部議奏

陞補兵部尚書謝恩疏

兵部尚書正一品臣李之芳謹

奏爲恭謝

天恩事臣於康熙二十一年十一月二十八日准吏部咨
爲補授尚書事內開文選清吏司案呈奉本部送吏
科抄出本部題前事等因康熙二十一年十一月十
一日奉

旨李之芳陞補兵部尚書欽此欽遵抄部送司相應行咨
等因到臣准此臣恭設香案望

闕叩頭謝

恩訖伏念臣一介寒微遭逢

皇上知遇存膺顯秩授以軍旅抵浙以來自愧菲庸雖勉
力戎行本無足錄仰賴

朝廷廟算海宇昇平幸免隕越茲者班師未幾遽荷
綸音輒膺

特簡之榮遂畀中樞之任顧臣何人當此

異數銘鏤心膂不覺涕零臣敢不自矢捐糜少酬我
皇上高天厚地之隆恩於萬一惟是疆場十載遠隔
闕廷犬馬戀

主之誠時形寤寐今欣奉

君命臣誼應星馳就道拜觀

天顏臣一面將限內

欽部事件料理完畢卽將印務而交撫臣王國安署理臣
無任感激惶悚之至除起行日期另疏

題報外謹具疏恭

謝伏乞

睿鑒施行

康熙二十一年十二月初一日奏奉

旨該部知道

題明總督印務巡撫署理疏

兵部尙書正一品臣李之芳謹

題爲

題明事竊臣奉

旨陞補兵部尙書經具奏恭謝

天恩備將印務交撫臣署理緣由

題明在案正擬束裝登舟接准撫臣王國安揭帖應不
候代具

題臣惟人臣之義

君命所臨義不待駕况臣莅事疆圉已經十載茲者

簡命自天濶幸戰壘餘生得以早覲

天顏實屬至願瞻戀微誠真有刻難自己者且總督內陞
新舊交代例冊未載如安徽撫臣靳輔陞任總河其
印務部文內開今照例交與江南總督阿席熙署理
在巡撫陞任既照例交與總督則總督陞任亦應照
例交與巡撫臣閱歷軍中班師旋省兩浙昇平竝無
錢糧地方粘帶不了之事仰祈

皇上俯察愚誠

俞臣所請不勝幸甚臣謹具

題伏乞

皇上睿鑒施行

康熙二十一年十二月二十日題奉

旨該部知道

交代赴京疏

兵部尙書正一品臣李之芳謹

題爲恭報微臣交代印務并起行日期事竊臣奉
旨陞補兵部尙書已經具疏恭謝

天恩備將欣逢

君命誼應星馳就道拜覲

天顏并印務交撫臣王國安署理緣由

題明在案臣正擬束裝登舟因撫臣王國安具疏請

旨應否候代臣遵候間今新督臣施維翰於康熙二十二年二月十五日抵浙江境地方臣將原奉

欽給浙江總督關防一顆

王命旗牌十面桿副并標下官兵經制書吏文卷面與
新督臣交代接管訖臣卽出境起行至臣原奉坐名
勅書一道專差官孫文豹恭捧送部轉繳外所有交代印
務并起行日期理合恭疏

題報伏乞

睿鑒

勅部查照施行

康熙二十二年二月十五日題奉

旨該部知道